

# Э р н н ч и н р т ä т о к т а в р

Элст балгъсна, Ленинä нер-  
тä колхозин олна хург болв.  
КПСС-н ЦК-н февральск Пле-  
нумин токтаврин, дакад „Кол-  
хозн тосхлтин болн МТС-н  
бурдäмджиг онъгдаруллгъна  
туск“ Н. С. Хрущевин докла-  
дин тезисмудär КПСС-н ба-  
лгъсна комитетин сеглätр ур  
А. А. Трубицына докладиг  
хургт ирцхäсн колхозникуд  
болн специалистнр ик гидг  
оньгтагъар сонъсцхав.

—КПСС-н февральск Пле-  
нумин токтавр болн Н. С.  
Хрущевин докладин тезисмуд,  
селänä эдл-ахуг цааранднь

кучтä кевär öдлүллгънд йи-  
лгъän ик чинртä—гидж кол-  
хозин агроном ур З. С. Гор-  
пиняк келв.—МТС-н бурдäм-  
джиг онъгдаруллгъна ашд  
колхозмуд бийсиннь медлд  
бäädг эврä техниктä болхмн.  
Колхозмудт МТС-н трактор-  
муд болн селänä эдл-ахун  
талдан машид хулдлгън—селänä  
эдл-ахун эдл-уш гаргългъ  
икдүллгънä агъу-ик эв-аргъ  
секджänä. Партин эн седвäриг  
йир чик гидж таасдж дөнън-  
джänäv,—гидж ур Горпиняк  
угän чилäv.

Хургт босдж уг келцхäсн  
улс—1-ч номертä комплексн

бригадин бригадир ур Жи-  
джиков, механизатормуд болн  
эньгин колхозникуд Дикан-  
ский, Дубинкин, Шилов, По-  
лүхин, Варавкин ахта партин  
февральск Пленумин токта-  
вриг цугтан нег дуугъар таа-  
сцхав.

Партин эн токтаврин болн  
Н. С. Хрущевин докладин те-  
зисмудин хärүд, хаврин тärä-  
нä кöдлмшän, малин тöl ав-  
лгъан үзмджтä сäänär кедж,  
ноос, ус гаргългъан улм хол-  
вдж икдүлхмн гисн шиидвр  
хург нег дуугъар авв.

С. ЛИДЖИЕВ.